



UNIVERSITÄTS-
BIBLIOTHEK
PADERBORN

Die Wunderkur und etzliche andere ergetzliche Sächelchen

Abraham <a Sancta Clara>

Berlin, [circa 1924]

54. Der Geizhals gleicht dem Schwein

[urn:nbn:de:hbz:466:1-68577](https://nbn-resolving.org/urn:nbn:de:hbz:466:1-68577)

54. Der Geizhals gleicht dem Schwein.

Daß ein Stein Wasser gibt / ist ein Wunder / vnd diß ist
geschehen zu Zeiten Moysis (Num. 20.)... Daß ein ver-
stohlner Raab Brodt gibt / ist ein Wunder (3. Reg. cap. 17) /
vnd diß ist geschehen dem grossen Eliae. Daß aber ein
Geiziger von seinem Gelt vnd Gut etwas gibt / das ist noch
ein grössers Wunder / vnd diß geschicht gar selten. Dahero
der Geizige einer Sau / einer Vipern / vnd einem Baum nit
vngleich / diser tragt vor andere die Früchten / also samblet
der Geizhals nur andern die Reichthum. Ein Viper ist bey
Lebs-Zeiten schädlich / aber nach dem Todt ist sie sehr nutz-
lich / forderist in dem Medritat [beliebtes Arzneimittel] / ein
Geizhals die Zeit seines Lebens ist seinem Nechsten mehrer
schädlich / als nützlich / weil er mit Betrug vnd Unfug vil
Gelt zusammen scharrt / aber nach dem Todt ist er sehr nutz-
lich / absonderlich dem Erben. Ein Sau / so lang sie lebt /
ist zu keiner Sach zu brauchen / dann man kans nit melchen /
wie ein Ruhe / sie tragt nit Woll / wie ein Schaaf / sie ziecht
nit / wie ein Pferd / sie tragt nit / wie ein Esel / sie wacht
nit / wie ein Hund / sie fangt nit Mäuß / wie ein Katz / zu
nichts taugt sie / so baldt sie aber todt ist / so ist sie in allem
zu brauchen / desgleichen ist ein Geizhals: so lang er lebt /
dient er keinem / kein Mensch tragt ein Nutzen von ihm /
so bald er aber hinab ins Grab / schabab kombt / da nutzt
er über alle massen / absonderlich selbigem / dem sein Erb-
schafft zu theil wird. Was hilfft dann euer sparren / ihr
Narren?

(Judas II S. 224.)